

Na osnovu dogovora postignutog između predstavnika Vlade Tuzlanskog kantona i predstavnika sindikata osnovnog obrazovanja i odgoja Tuzlanskog kantona, na sastanku održanom dana 11.12.2019. godine, Vlada Tuzlanskog kantona i Samostalni sindikat radnika osnovnog obrazovanja i odgoja Tuzlanskog kantona, dana 20.12.2019. godine, zaključuju

## **S P O R A Z U M**

**o utvrđivanju osnovice za obračun plaće, uvećanju koeficijenata za obračun plaće, utvrđivanje naknade za ishranu u toku rada (topli obrok) te naknade za korištenje godišnjeg odmora (regres) za zaposlene u ustanovama osnovnog obrazovanja TK za 2020. godinu**

### **I**

Strane potpisnice ovog Sporazuma su saglasne da se obračun plaće za period januar-decembar 2020. godine, zaposlenicima u oblasti osnovnog obrazovanja kod korisnika Budžeta Tuzlanskog kantona vrši po osnovici za obračun plaće u visini 404,00 KM (slovima: četiristotinečetiri konvertibilne marke).

### **II**

Strane potpisnice ovog Sporazuma su saglasne da se obračun plaće za period april-decembar 2020. godine, svih zaposlenih u oblasti osnovnog obrazovanja kod korisnika Budžeta Tuzlanskog kantona vrši po koeficijentima utvrđenim za zaposlene iz navedenih oblasti, uvećanim za 6,87% o čemu će sporazumne strane potpisati poseban Sporazum.

### **III**

Strane potpisnice ovog Sporazuma su saglasne da će važeće odredbe člana 49. Zakona o porezu na dohodak biti ugrađene u koeficijente iz tačke II ovog Sporazuma, i da će se isto primjenjivati od dana primjene Sporazuma iz tačke II ovog Sporazuma.

### **IV**

Strane potpisnice ovog Sporazuma se obavezuju se da će u Sporazumu iz tačke II urediti radno pravni status zaposlenika koji su u radnom odnosu na neodređeno vrijeme i zaključenim ugovorom o radu s nižom stručnom spremom u odnosu na profil i stručnu spremu koju su stekli tokom trajanja radnog odnosa u ustanovi do 31.12.2019. godine, na način da se istim priznaje pravo na zaključivanje ugovora o radu sa stečenom stručnom spremom i u skladu sa tim pravo na razvrstavanje u viši platni razred počev od 01.04.2020. godine.

### **V**

Strane potpisnice ovog Sporazuma su saglasne da se naknada za ishranu u toku rada (topli obrok) za sve zaposlene u oblasti osnovnog obrazovanja kod korisnika Budžeta Tuzlanskog kantona za 2020. godinu obračunava u iznosu 9,00 KM (slovima: devet konvertibilnih maraka) po izrađenom danu.

### **VI**

Strane potpisnice ovog Sporazuma su saglasne da će se naknada za korištenje godišnjeg odmora (regres) za 2020. godinu za sve zaposlene u oblasti osnovnog obrazovanja kod korisnika Budžeta Tuzlanskog kantona, isplatiti u iznosu 50 % prosječne neto plate u FBiH prema posljednjem objavljenom podatku Federalnog zavoda za statistiku za mjesec koji je prethodio usvajanju Budžeta Tuzlanskog kantona za 2020. godinu.

### **VII**

Strane potpisnice ovog Sporazuma su saglasne da će se nakon podnošenja i razmatranja Izvještaja o izvršenju Budžeta Tuzlanskog kantona za period januar-juni 2020. godine i sagledavanja stanja prihoda u Budžetu Tuzlanskog kantona za isti period procijeniti uslovi za nastavak razgovora sporazumnih strana na temu moguće korekcije osnovice za obračun plaća zaposlenih u oblasti osnovnog obrazovanja kod korisnika Budžeta Tuzlanskog kantona za period juli-decembar 2020. godine.

**VIII**

Ovaj Sporazum će se objaviti u „Službenim novinama Tuzlanskog kantona“.

**Samostalni sindikat radnika osnovnog  
obrazovanja i odgoja Tuzlanskog kantona**



  
Sumedin Kulović, prof.

Broj: 02-370 /19  
Tuzla, 20.12.2019. godine

**Premijer Tuzlanskog kantona**



  
Prof. dr. Denijal Tulumović

Broj: 02/1-05-26717-1/19  
Tuzla, 20.12.2019. godine